

NOTICIERO OFICIAL DI GOBIERNO INSULAR

AÑA 4 No.3

DECEMBER 1980

ARUBIANA PRINTS N.V.



22 DEC. 1980



Un Pasco Feliz y Contento  
 y Un Año Nuevo  
 en di Prosperidad y Bendición  
 pa Wenter e Comunidad Arubano  
 pa e Sincero Deseo  
 di  
 Gobierno Insular di Aruba

## GOBIERNO DI ARUBA ACTIVO DURANTE 1980.....



*Sport Buro Aruba a worde cambia den I.D.E.F.R.E. (Instituto pa Deporte, Educacion Fisica y Recreacion). E institucion aki tabata hopi activo durante anja 1980 y a organisa diferente curso y torneonan ariba diferente terrenonan deportivo.*




*Un bista di e Watapana Festival, cual ta tuma lugar tur diamars anochi y a bira un gran atraccion turistico. Watapana Festival ta un iniciativa di e Gobierno di Aruba.*



*Aruba a conoce un era nobo na momento cu e central nobo di telefon semi-electronico a keda inaugura. Aruba ta posee awor e sistema di telefon di mas moderno den e aerea di Caribe.*



*Un bista di e cantidad grandi di estudiantenan, kendenan a haya un beca pa bai studia na Hulanda.*



*E anja aki e Drill-Tower na e departamento di bomberos a keda inaugura y esaki ta trece un gran facilidad pa entrenamiento, especialmente den caso di candela na un di nos hotelnan grandi.*


## GOBIERNO DI ARUBA ACTIVO DURANTE 1980.....



*Diputado di aeropuerto, Sr. Daniel Leo, ricibiendo e plan di desaroyo pa aeropuerto di Aruba. E plan aki a worde traha door di Flughafen Frankfurt Airconsult. E plan ta encera e periodo 1980 pa 1985.*




*Gobierno di Aruba a laga construi diferente sanitariano publico na Eso Heights.*




*Oficialmente a keda inaugura tambe e anja aki, e school di Ayo.*



*Un total di alrededor di 7.5 miyon florin ta e costo di e Hotel-vakschool, cual actualmente ta den construcion p'abow di Zona Libre.*



*E compania Colombiano, "Avianca" a cuminsa bula oficialmente pa Aruba. Diputado Daniel Leo di turismo a haci un gran esfuerço pa wak esaki realiza y alavez esaki ta un contribucion grandi pa nos turismo.*



## UN MENSAHE DI NOS GOBERNANTENAN INSULAR

*Ta un privilegio y placer un vez mas pa nos Colegio por dirigi algun palabra na nos culto pueblo den e temporada aki di fiesta navideño.*

*Manera ya a bira un tradicion ora fin di aña ta asercando, nos Colegio ta desea di haci uso di e oportunidad aki pa repasa en breve esun proyectonan y otro trabowan cual tabata un honor pa nos, como representantenan di pueblo, di por a contribui pa bienestar di e comunidad Arubano.*

*Quizas esun proyecto cu a haci su impacto inmediato den nos pueblo e aña aki ta e centralnan nobo di telefon cual indudablemente a trece un mehoracion enorme den comunicacion general. Esaki a trece un gran alivio y asina lo yuda nos isla progresa cu mas rapidez.*

*Ariba terreno turistico y economico, por ehemplo, e siguiente trabowan a ser realiza, ta den ehecutcion of ta cla pa ser ehecuta: plan di desarrollo pa aeropuerto, master plan pa turismo, biblioteca, promenade na San Nicolas, graduacionnan na hotelvakschool, mas vuelo y lineanan nobo di aviacion, Cocarni N.V. pa fabrica worst, plantanan di Aquanova na W.E.B., haaf di container, remodelador nobo y edificio nobo pa hotelvakschool.*

*E aspecto social, especialmente esun di vivienda, den nos comunidad tambe ta recibiendo tur atencion cu e proyectonan di e Fundacion Cas pa Comunidad Arubano (F.C.C.A.) y esun di Esso Heights y Village.*

*Tambe e Instituto pa Deporte, Educacion Fisico y Recreacion (I.D.E.F.R.E.) a aumenta su actividadnan significativamente durante aña y asina por a ofrece hopi cursonan y entrenamentonan y a organisa hopi torneonan deportivo pa pueblo en general.*

*Otro aspectonan den nos convivencia cu ta sigui goza di tur atencion ta, entre otro, cuidio medico y educacion cual ultimo ta ser refleha den e cantidad grandi di becanan na hobennan di Aruba pa por sigui nan estudionan den exterior.*

*No menos importante tabata e continuacion e aña aki di e esfuerzonan ariba terreno di structura estatal cual a ricibi hopi atencion den e varios reunionnan cu a ser teni pa e comisionnan di trabao di Aruba, Antillano y esun di Reino. Manera ya ta canoci, e comision di Reino a termina cu su tareanan y a tene su ultimo reunion na luna di Augustus ultimo.*

*Algo cu seguramente a haci un impresion hopi positivo ta e forma hospitalario den cual e pueblo di Aruba a ricibi Reina Beatrix y Prins Claus durante nan bishita na nos isla na fin di October. E bishita real aki a demostra un vez mas cu nos pueblo ta sigui mantene su tradicional aprecio y cariño pa e Casa Real di Hulanda.*

*Analizando e perspectivanan pa aña 1981, ta dificil pa menciona cu certeza locual ta bai tuma lugar den futuro, pero tirando un bista ariba nos fuente principal di entrada, esta turismo, nos tin tur confiansa cu e cantidad di bishitantenan na nos isla lo subi mas cu aña 1980.*

*Esun proyecto cu indudablemente lo haci un mayor impacto ariba nos economia, debi na su magnitud, ta e construcion di e haaf di container. Esaki lo costa como 48 miyon florin y lo mehora nos infrastructura maritimo enormemente y eventualmente crea mas trabow.*

*Durante aña 1981 nos lo bai enfrenta tambe hopi decisionnan ariba terreno politico cual lo bay contribui na e futuro structura estatal di nos isla. Na luna di Februari otro aña e promer conferencia di mesa redonda lo ser teni na Hulanda y e delegacion Arubano pa cu e conferencia aki ya tin su mandato: lucha pa independencia di nos isla, Pues, e promer capitulo di nos futuro estatal lo ser skirbi den e segundo luna di 1981.*


*Cerrando aña 1980 y e mensahe aki cu hopi esperanza den futuro, nos ta extende nos mas sincero deseonan na tur nos conciudadanonan pa un Pasco feliz y contento y un Aña nobo brillante yen di prosperidad y bendicion.*



Gobernador Frans Figaroa



Diputado Daniel Leo




Diputado Nel Oduber



Diputado Grace Bareño



Diputado Efrain de Kort



Diputado Remi Zaandam



Diputado Pedro Kelly



Consehero General Betico Croes



Secretario Insular A.J. Booi

## GOBIERNO DI ARUBA ACTIVO DURANTE 1980.....



*Disputado pa deporte, Sr. Remie Zaandam a hiba palabra durante reunion di Odilac na Panama, tempo cu esaki a keda funda.*



*Aruba a haya bishita di La Reina Beatrix. Esaki ta e momento cu gobernador Figaroa ta haci entrega di un regalo den nomber di e pueblo di Aruba.*



*Ya a cuminsa cu construcion di e Biblioteca Publico, cual lo worde financia door di fondo pa proyectonan social y educativo di gobierno Hulandes cu 75 %o y 25 %o door di gobierno di Aruba.*



*Otro compania aereo cu a cuminsa efectua vuelonan charter for di Estados Unidos ta e compania Evergreen.*




*E anja aki a keda aproba e proyecto di containerhaven, cual lo bai ser un proyecto gigantesco pa Aruba. Otro anja lo cuminsa cu construcion di e containerhaven.*



*Remolcador nobo "Cudarebo" a yega Aruba y lo reemplaza "Arikok". Esaki ta momento cu diputado Oduber tabata dirigi palabra den presencia di lo demas miembran di nos gobierno local.*

## GOBIERNO DI ARUBA ACTIVO DURANTE 1980.....



*E momento cu Arubus a keda oficialmente inaugura door di diputado di transporte, Sr. Nel Oduber den presencia di director di dicho compania Sr. Wim Maarse. Cu inauguracion di Arubus e transporte publico di Aruba a worde grandemente mehora.*



*Proyecto pa produci carni local a cuminsa funciona bow di e nomber "Cocarni Aruba N.V.". Un bista di e prome porconan, cualnan a worde matá.*



*Diputado di W.E.B., Sr. Efrain de Kort a pone oficialmente den funcion e tuberia nobo pa mehora e presion di awa entre Balashi y e hotelnan grandi y vecindario.*

# PUNTONAN DI SALIDA DI GOBIERNO CENTRAL Y ARUBA DEN PROCESO DI DECENTRALISACION

Decentralisacion den e constitucion politico di Antillas y Hulanda ta encerra cu convenio y gobernacion no solamente ta ser ejecuta pa e organo central, pero tambe pa cuerponan autonomo di afor. Den e caso di Antillas Hulandes por papia di decentralisacion territorial.

Un terminologia parecido ta decon-

centracion. Den e caso aki ningun poder no ta ser pasa pa e territorionan insular, pero e ejecucion di podernan lo ser reparti pa e servicicion central ariba e diferente islanan.

Decentralisacion difícilmente por ser considera como un forma di decentralisacion. Na momento di ejecuta

e competencianan central, deconcentracion ta aumenta e posibilidad pa tener cuenta cu e situacionan local.

Pues, deconcentracion por ser considera como un promer paso den e direccion di independencia di e islanan. Pa garantiza continuidad di decentralisacion algun punto di salida lo ser mante-

ni.

**Departamento di Estructura Estatal**

1. **Traslado di tareanan y competencianan pa e territorionan insular lo ser haci cu e actividad necesario y tin como meta pa duna e territorionan insular mas tanto autonomia cu ta posibel. Lo ser teni debido cuenta cu e interes general di tur e islanan di Antillas Hulandes.**
2. **E interes general ta encerra entre otro cu un cierto tarea lo no ser traslada pa tur e islanan na e mesun momento.**
3. **Na momento di traslado di tareanan y poderman manera menciona bao di punto 1, e territorio insular concerni mester tuma e medidanan necesario pa atende e tarea(nan) manera debe ser.**
4. **Un relacion financiero nobo entre gobierno central y e territorionan insular lo mester ser conveni despues cu haya un resumen di e consecucionan financiero total di e decentralisacion. Anticipando e acuerdo financiero nobo e mediano monetario cu keda liber lo ser traspasa pa e islanan na momento di un traslado di e poderman. Gobierno**

no Central ta dispuesto pa pone funcionarionan y otro empleadonan na disposicion di e isla en cuestion pa yude den tal trasladonan. E gastanon lo ta pa cuenta di gobiernocentral.

5. **Pa e islanan cu gobierno central tin cu cubri e deficit ariba presupuesto, e traslado di poderman lo tuma lugar solamente despues di deliberacion entre gobierno central y e isla en cuestion.**
6. **Lo ser teni debido cuenta cu e interesnan di e empleadonan gubernamental.**

**Comision di Independencia di Aruba**

E comision pa preparacion di Independencia di Aruba di su banda tambe a trece algun punto di salida pa loke ta trata decentralisacion:

1. **Na momento di traslado di poderman pa e islanan mester ser teni cuenta cu e interes di cada un isla di Antillas Hulandes aparte.**
2. **E traslado di poderman pa tur e islanan no mester tuma lugar necesariamente ariba e mesun fecha.**
3. **Despues di e traspaso di poderman, e isla en cuestion mester tuma medidanan necesario despues di**

deliberacion comun entre gobiernocentral y e isla en cuestion. Si e deliberacion no yega na e resultado desea, e interes di e isla en cuestion ta prevalece.

4. **Poderman cu una vez a ser traslada pa islanan no por ser centralisa sin permiso di e isla en cuestion. Pa loke ta trata puntanan 5 y 6, e comision insular ta bai di acuerdo cu e puntanan di bista di e departamento di estructura estatal di e islanan.**
7. **Ta necesario pa tin un resumen di e consecucionan financiero di e decentralisacion, cu lo mester yega na un relacion financiero nobo entre "land" y e islanan. E medionan cu keda liber lo ser traspasa pa e islanan na momento di decentralisacion anticipando e relacion financiero nobo. "Land" mester ta dispuesto, asina leuw cu ta necesario, pa pone empleadonan na disposicion di e isla. Esaki lo tuma lugar despues di a delibera cu e isla en cuestion y e gastanon lo ta pa cuenta di "land". Pero esaki no kier meen, cu e isla en cuestion mester warda pa decentralisa cierto poderman despues di deliberacion cu "land" cu lo mester cubri dificultadnan manera menciona bao punto 5.**

## PLAN DI DECENTRALISACION SEGUN GRUPO DI TRABOW DI REINO

Segun e grupo di trabao di reino (KWG) Gobierno Central y e islanan conjuntamente mester prepara un plan pa decentralisacion.

E organo mas logico segun KWG pa prepara esaki ta e „Antilliaans Spoor" (grupo Antillano di trabow). E grupo di trabow aki ta bao presidencia di Ministro di Estructura Estatal di e Islanan y desde 1979 e grupo aki a reuni varios biaha caba.

E plan di decentralisacion segun KWG lo mester contene:

- a. E asuntonan cu lo ser decentralisa.
- b. Prioridad di e asuntonan y realiazacion di e decentralisacion den fase.

c. E forma di financia e asuntonan decentraliza.

d. Adaptacion y simplificacion di e procedura di decentralisacion.

Pa loke ta trata e ultimo punto aki e grupo di trabow di reino a traha algun proposicion cu ta bisa, entre otro:

- Anulacion di e exigencia pa dos tercera parti di Staten pa aproba traslado di e poderman di „Land" pa „Eiland". Tambe lo mester anula e aprobacion Real den e caso aki.
- Anulacion tambe den e caso aki di dos tercera parti di Staten pa cambio di asuntonan di belasting relaciona cu decentralisacion.
- Proposicion pa cambio di ERNA

y e ontwerp-overdrachtslandsverordening mester ser entrega na e mesun momento na Staten di Antillas.

- E fecha cu e „overdrachtslandsverordening" dreña na vigor como „eilandsverordening" mester ser fihá.

Decentralisacion di cierto asuntonan no mester warda ariba e set-up di e plan di decentralisacion segun e grupo di trabow di reino. Asuntonan cu por ser decentralisa sin ta posee consecucionan organisatorio y financiero lo por ser decentralisa si ta necesario. E asuntonan aki logicamente lo no mester ser inclui den e plan di decentralisacion.